

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj: 72/20**

Sarajevo, 24.9. 2020. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 72/20 od 28.08.2020. godine, u postupku javne nabavke br. 72/20 „Rezervni dijelovi za pumpne agregate proizvođača VOGEL“ donosi se :

**O D L U K A**  
o poništenju postupka javne nabavke

**Član 1.**

Poništava se postupak javne nabavke broj 72/20 za nabavku roba: „Rezervni dijelovi za pumpne agregate proizvođača VOGEL“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : OP 72/20 od 23.07.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 70.000,00 KM.

Obavještenje o nabavci broj : 247-1-1-108-3-231/20 poslato je na objavljivanje na Portal javnih nabavki dana 27.07.2020.godine a sažetak obavještenja o nabavci je objavljen u Sl. glasniku BiH broj 46. od 31.07.2020.godine.

Komisija za javnu nabavku imenovana je Rješenjem br. 50/20 od 25.06. 2020 godine i dodatni članovi komisije imenovani dopunskim Rješenjem br. 72/20-1 od 23.07. 2020 godine.

Komisija za javnu nabavku dostavila je dana 21.09.2020.g. Preporuku o poništenju postupka javne nabavke roba : „Rezervni dijelovi za pumpne agregate proizvođača VOGEL“ tender broj 72/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 2 (dvije) ponude ponuđača: „Džida“ d.o.o. Čitluk i „BH ING“ d.o.o. Sarajevo
- Da su blagovremeno zaprimljene: 2 (dvije) ponude ponuđača: „Džida“ d.o.o. Čitluk i „BH ING“ d.o.o. Sarajevo
- Da nije bilo neblagovremeno zaprimljenih ponuda

Komisija je utvrdila da dostavljene ponude ponuđača „Džida“ d.o.o. Čitluk i „BH ING“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači	
		„Džida“ d.o.o. Čitluk	„BH ING“ d.o.o. Sarajevo
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA (Nije u skladu sa zahtjevima iz tenderske dokumentacije)	DA
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA (Nije u skladu sa zahtjevima iz tenderske dokumentacije)	DA
2.1.	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Pregledom ponude ponuđača „Džida“ d.o.o. Čitluk konstatovano je da dostavljeni dokumenti: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3. i Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4., nisu kompletno popunjeni, odnosno nisu popunjeni na način i u formi koji propisuje Agencija za javne nabavke, a što je zahtjevano tenderskom dokumentacijom. U navedenim izjavama u dijelu predviđenom za

upisivanje broja obavještenja o nabavci i broja Sl. glasnika BiH, utvrđeno je da traženi podaci nisu upisani.

Komisija konstatuje da ponuđač nije ispunio navedene Izjave u skladu sa zahtjevima iz tenderske dokumentacije, zakonskim i podzakonskim aktima budući da iste nije popunio u cjelosti, a što je u suprotnosti sa formom navedenih izjava koja je precizno propisana Uputstvom za pripremu modela tenderske dokumentacije i ponuda („Sl. glasnik BiH“, broj 90/14, 20/15) kao i aneksima tenderske dokumentacije.

Shodno navedenom, ponuda ponuđača „Džida“ d.o.o. Čitluk ne ispunjava zahtjeve Ugovornog organa koji su traženi tenderskom dokumentacijom, te se ista u skladu sa odredbama člana 68. stav (4) pod i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da je ponuđač „BH ING“ d.o.o. Sarajevo dostavio zahtjevanu kvalifikacionu dokumentaciju kako je navedeno u tabelarnom prikazu i da isti **ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.**

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponuđač
		„BH ING“ d.o.o. Sarajevo
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA
2.	<b>Tačka: 16.TD pod 1:</b> Obrazac za ponudu – Aneks II; Prilog 1.	DA
2.1.	<b>Tačka: 16.TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	DA (Izvršena korekcija koja nije skladu sa zahtjevima iz tenderske dokumentacije)
4.	<b>Tačka 31 i 36 TD:</b> Nacrt okvirnog sporazuma – Prilog 7.	DA
5.	<b>Tačka: 31 i 37 TD:</b> Nacrt ugovora o javnoj nabavci – Prilog 8.	DA
6.	<b>Tačka: 43 TD:</b> Povjerljive informacije – Prilog 6.	DA

Komisija konstatuje da je ponuđač „BH ING“ d.o.o. Sarajevo u Obrascu za cijenu ponude – Aneks III; Prilog 2., izvršio ispravke koje nisu urađene u skladu sa zahtjevima iz tačke 17.1.5 tenderske dokumentacije „Ispravke u ponudi“.

Navedena ispravka je urađena na sljedeći način:

- na strani br. 12. ponude, za stavku pod rednim brojem 2. specifikacije (Čahura radijalnog ležaja (**poz.br.44/V**);**tv.br:763476900**) u koloni br. 6. (kataloška oznaka) izvršene su ispravke na način da je raniji broj prepravljen novim brojem odnosno preko ranijeg broja je upisan novi broj.

- na strani br. 13. ponude, za stavku pod rednim brojem 2. specifikacije (Osovina pumpe **(poz.br.11);tv.br:165051120**) u kolonama br. 9. (jedinična cijena u KM) i br. 10 (Ukupna vrijednost u KM bez PDV-a (8 x 9)) izvršene su ispravke u smislu podebljavanja već ranije upisanog iznosa, a u koloni br. 12 (Konačna jedinična cijena bez popusta ili sa popustom u KM (ukoliko se nudi) izvršene ispravke na način da je raniji iznos prepravljen novim iznosom odnosno preko ranijeg iznosa je upisan novi iznos.

Komisija konstatuje da izvršena ispravka nije urađena na zahtjevani način odnosno da ponuđač „BH ING“ d.o.o. Sarajevo prilikom vršenja ispravki nije postupio u skladu sa postavljenim zahtjevima iz tačke 17.1.5 tenderske dokumentacije „Ispravke u ponudi“, koja jasno i precizno definiše način vršenja ispravki i to: **Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda („Službeni glasnik BiH”, br. 90/14, 20/15).**

***Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekrži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.***

S obzirom na navedeno, komisija konstatuje da ponuda ponuđača „BH ING“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav (2) tačka d) Zakona o javnim nabavkama („Službeni glasnik BiH br. 39/14) za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba: **„Rezervni dijelovi za pumpne agregate proizvođača VOGEL“** – tender broj **72/20** donese odluku o poništenju postupka javne nabavke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



**Direktor**

*Enver Hadžiahmetović*  
Enver Hadžiahmetović, dipl.ing.maš.